



PEJABAT KETUA PENGARAH PELAJARAN MALAYSIA
Office of Director-General of Education Malaysia
ARAS 8, BLOK E8
Level 8, Block E8,
KOMPLEKS KERAJAAN PARCEL E
Government Complex Parcel E,
PUSAT PENTADBIRAN KERAJAAN PERSEKUTUAN
Federal Government Administrative Centre
62604 PUTRAJAYA

Tel: 03-8884 6077
Fax: 03-8889 4548
Laman web: <http://www.moe.gov.my>.

KP(BS-DSR)8787/008/2/ (8)
30 Mei 2006

Semua Pengarah Pelajaran Negeri,

Y. Bhg. Dato'/Datu/Tuan/Puan,

SURAT PEKELILING IKHTISAS BIL.6/2006

PEMANTAPAN PELAKSANAAN SKIM TAKAFUL PELAJAR SEKOLAH MALAYSIA (TPSM) BAGI SEMUA MURID PRA SEKOLAH, SEKOLAH RENDAH DAN SEKOLAH MENENGAH DI SEKOLAH-SEKOLAH KERAJAAN DAN BANTUAN KERAJAAN

Kementerian Pelajaran Malaysia begitu prihatin mengenai pelbagai risiko kemalangan yang mungkin dihadapi oleh murid-murid sekolah ketika dalam perjalanan pergi dan balik sekolah. Begitu juga sewaktu mereka melakukan aktiviti-aktiviti yang berkaitan dengan kegiatan sekolah terutama aktiviti kokurikulum. Justeru itu, pada 21 Jun 1995 Jemaah Menteri telah meluluskan pelaksanaan **Skim Takaful Pelajar Sekolah Malaysia (TPSM)** untuk semua murid sekolah Kerajaan dan Bantuan Kerajaan. Skim ini telah mulai berkuatkuasa pada sesi persekolahan 1995/1996 dan dikendalikan oleh Syarikat Takaful Malaysia Berhad.

2. Jangka Masa Perlindungan

Semua murid yang menyumbang kepada Skim ini diberi perlindungan bagi jangka masa seperti berikut:

- 2.1 Tempoh perlindungan bermula dari 1 Januari tahun semasa dan berkuatkuasa sehingga 31 Disember tahun yang sama.
- 2.2 Skim ini menyediakan perlindungan 24 jam sehari semalam dan meliputi seluruh dunia.
- 2.3 Kekecualian, Skop Perlindungan, Jadual Manfaat dan syarat-syarat adalah seperti di APPENDIX A.

3. Penyertaan

Peserta skim ini adalah semua murid Pra Sekolah, Sekolah Rendah dan Menengah yang berdaftar di bawah sekolah kerajaan dan bantuan kerajaan. Perlindungan ke atas murid-murid ini **tamat serta merta apabila murid tersebut berhenti atau diberhentikan dari menjadi murid berdaftar di sekolah-sekolah yang dinyatakan di atas.**

4. Sumbangan Takaful

Semua murid yang berdaftar pada tahun semasa dikehendaki memberi sumbangan kepada Skim Takaful Pelajar Malaysia. Kaedah sumbangan oleh murid dan pengumpulan sumbangan oleh pihak sekolah adalah seperti berikut:

- 4.1 Kadar bayaran bagi seorang murid ialah **RM1.50 setahun** dan dimasukkan bersama sebagai salah satu bayaran yuran persekolahan tahunan.
- 4.2 Pengetua/Guru Besar hendaklah memasukkan bayaran takaful ini ke dalam borang permohonan kutipan yuran sekolah untuk diluluskan oleh pihak Jabatan Pelajaran Negeri.
- 4.3 Pihak sekolah hendaklah mengutip pembayaran ini seperti mana kutipan yuran lain mengikut proses dan prosedur yang sedia ada di sekolah.
- 4.4 Pihak Sekolah hendaklah menyerahkan pembayaran tersebut terus kepada Pejabat Cawangan Takaful Malaysia yang berdekatan.
- 4.5 Bagi melicinkan sistem pemantauan, saliran resit pembayaran dan cek bayaran tersebut hendaklah dihantar kepada Pejabat Pelajaran Daerah / Gabungan.
- 4.6 Semua kutipan mestilah selesai di peringkat sekolah pada **31 Januari** manakala bagi **murid tingkatan 6 rendah** ialah **sebelum 31 Julai** tahun semasa.
- 4.7 Pihak sekolah adalah bertanggungjawab untuk memastikan semua murid dapat menjelaskan bayaran sumbangan Skim Takaful Pelajar Malaysia ini mengikut masa yang ditetapkan.
- 4.8 Pihak sekolah boleh mendapatkan kerjasama dari pelbagai pihak seperti PIBG bagi membantu murid yang tidak mampu untuk menjelaskan bayaran dalam tempoh yang ditentukan.
- 4.9 Pihak Jabatan Pelajaran Negeri bertanggungjawab untuk memastikan semua murid menjelaskan bayaran Skim Takaful Pelajar Malaysia berdasarkan enrolment murid yang dinyatakan dalam Sijil Takaful mengikut negeri masing-masing.

- 4.10 Enrolmen murid adalah berdasarkan kepada enrolmen pada 31 Januari setiap tahun dan penyelarasan akan dilakukan pada bulan Ogos tahun semasa.

5. Tatacara Tuntutan Pampasan

Jika terdapat mana-mana murid yang dilindungi oleh Skim Takaful Pelajar Malaysia mendapat kecederaan tubuh badan, yang menyebabkan kematian atau keilatan seperti yang didefinisikan, maka (tertakluk kepada syarat-syarat kekecualian, peruntukan dan peraturan yang terkandung atau yang dipersetujui di atas sijil) Syarikat akan membayar kepada murid berkenaan. Berikut adalah tatacara bagaimana tuntutan boleh dibuat.

- 5.1 Bagi memudahkan urusan tuntutan, waris murid boleh mengemukakan tuntutan terus ke Cawangan Syarikat Takaful Malaysia Berhad yang berdekatan melalui sekolah. Semua tuntutan hendaklah dikemukakan dengan menggunakan **Borang Tuntutan Skim Takaful Pelajar Malaysia** yang boleh diperolehi di Pejabat Pelajaran Gabungan/Daerah atau di Pejabat Cawangan Syarikat Takaful Malaysia Berhad yang berdekatan dan disokong oleh dokumen-dokumen berkaitan sebagaimana yang telah ditentukan oleh Syarikat Takaful Malaysia Berhad.
- 5.2 Syarikat Takaful Malaysia Berhad akan menimbang dan mengurus tuntutan murid-murid berkenaan atau waris mereka melalui sekolah di mana murid berkenaan didaftarkan.
- 5.3 Semua **bayaran tuntutan** akan dibuat atas nama **penama yang terdapat di dalam Borang Kebenaran Bayaran (Lampiran A)**. Cek bayaran akan diserahkan melalui pihak sekolah.
- 5.4 Pihak sekolah juga boleh merujuk kepada pejabat cawangan – cawangan Syarikat Takaful Malaysia Berhad yang terdekat atau menghubungi terus Ibu Pejabat Syarikat Takaful Malaysia Berhad, jika terdapat sebarang kemusykilan dan memerlukan sebarang penjelasan.


Sila rujuk kepada **APPENDIX B** untuk panduan yang terperinci.

6. Dengan ini **Surat Pekeliling Ikhtisas Bil. 3/1995: Pelaksanaan Skim Takaful Kemalangan Diri Berkelompok Bagi Semua Pelajar Sekolah Kerajaan dan Bantuan Kerajaan**, Bil. KP(BS)8591/Jld.VIII/(85) bertarikh 21 Julai 1995 adalah **terbatal**.

7. Sila maklumkan kandungan Surat Pekeliling Ikhtisas ini kepada pegawai yang bertanggungjawab di Jabatan Pelajaran Negeri, Pejabat Pelajaran Daerah/Gabungan serta Pengetua dan Guru Besar sekolah-sekolah di bawah pentadbiran Y. Bhg. Dato'/Tuan/Puan.

Sekian, terima kasih.

"BERKHIDMAT UNTUK NEGARA"



DATO' Dr. HAJI AHAMAD BIN SIPON
Ketua Pengarah Pelajaran Malaysia

- s.k.
1. Y.B. Dato' Sri Hishammuddin bin Tun Hussein
Menteri Pelajaran Malaysia
 2. Y.B. Dato' Hon Choon Kim
Timbalan Menteri Pelajaran Malaysia
 3. Y.B. Dato' Noh bin Omar
Timbalan Menteri Pelajaran Malaysia
 4. Y.B. Puan Komala Devi
Setiausaha Parlimen Kementerian Pelajaran
 5. Ketua Setiausaha Kementerian Pelajaran
 6. Timbalan-Timbaian Ketua Setiausaha Kementerian Pelajaran
 7. Timbalan-Timbalan Ketua Pengarah Kementerian Pelajaran
 8. Ketua-Ketua Bahagian Kementerian Pelajaran
 9. Ketua Nazir Sekolah Kementerian Pelajaran
 10. Penasihat Undang-Undang Kementerian Pelajaran
 11. Pegawai Perhubungan Awam Kementerian Pelajaran

APPENDIX A

SIJIL TAKAFUL PELAJAR SEKOLAH MALAYSIA (TPSM)

BAHAWASANYA Kementerian Pelajaran Malaysia (kemudian daripada ini dipanggil "Peserta") seperti yang dicatat di dalam Jadual telah memohon untuk melindungi pelajar-pelajar di sekolah-sekolah Kerajaan dan bantuan Kerajaan di Malaysia (kemudian daripada ini dipanggil "pelajar yang dilindungi") dalam skim takaful ini yang diuruskan oleh **SYARIKAT TAKAFUL MALAYSIA BERHAD** (kemudian daripada ini dipanggil "Syarikat") dan telah membayar atau bersetuju membayar sumbangan takaful sebagai balasan bagi penyertaan untuk tempoh Takaful yang tercatat di dalamnya.

MAKA SIJIL INI MENYAKSIKAN bahawa semasa tempoh Takaful jika mana-mana orang yang dilindungi mendapat kecederaan tubuh badan, yang menyebabkan kematian atau keilatan seperti yang didefinisikan, maka (tertakluk kepada syarat-syarat kekecualian, peruntukan dan peraturan yang terkandung atau yang diendos di atas sijil) Syarikat akan membayar kepada sekolah berkenaan suatu jumlah wang seperti yang tercatat di dalam Jadual Manfaat dan pengesahan penerimaan oleh Peserta, Guru Besar atau Pengetua sekolah merupakan perlepasan yang muktamad dan sepenuhnya kepada syarikat.

KEKECUALIAN

Sijil ini tidak melindungi:

1. Kematian atau keilatan atau kecederaan yang secara langsung atau tidak langsung disebabkan dari:
 - a. peperangan, pelanggaran, tindakan musuh luar, permusuhan (sama ada perang diisytiharkan atau tidak), perang saudara, dahagi, revolusi, hasutan pemberontakan tentera atau rampasan kuasa, pemerintahan undang-undang tentera, pemogokan atau kegemparan awam.
 - b. bunuh diri (sama ada feloni atau tidak) atau cubaan bunuh diri dan kecederaan yang disengajakan, pembunuhan, kegiatan-kegiatan jahat (gangsterism), jenayah atau aktiviti-aktiviti yang berkaitan;
 - c. penyakit atau wabak;
 - d. pengaruh alkohol dadah atau bahan-bahan berunsur kimia;
 - e. mengandung, melahirkan atau keguguran;
 - f. perlumbaan, ujian kelajuan atau ujian am kenderaan bermotor;
 - g. keilatan yang telah sedia wujud;
 - h. aktiviti-aktiviti yang bertentangan dengan undang-undang dan Syariah.

SYARAT-SYARAT

1. TAKRIF

Sijil ini dan Jadual hendaklah dibaca sekali sebagai satu kontrak dan mana-mana perkataan atau perbahasan iaitu makna yang khas telah diberikan di mana-mana bahagian yang terdapat dalam Sijil atau Jadual tersebut adalah mempunyai makna yang sama di mana-mana ia terdapat.

2. SYARAT UTAMA (Condition Precedent)

Pematuhan kepada syarat-syarat sijil setakat mana yang ianya berkaitan kepada perkara-perkara yang dilakukan atau yang tidak perlu dilakukan oleh peserta hendaklah merupakan syarat-syarat terdahulu kepada apa-apa tanggungan Syarikat untuk membuat apa-apa bayaran di bawah sijil ini.

3. NOTIS

Setiap notis atau pemberitahuan yang diberi di bawah sijil ini hendaklah secara bertulis dan hendaklah dihantar dengan tangan kepada Ibu Pejabat atau mana-mana cawangan Syarikat.

4. MAKLUMAT DAN BUKTI KECEDERAAN

Semua sijil, maklumat dan bukti yang diperlukan oleh Syarikat hendaklah dibekalkan atas perbelanjaan orang-orang yang dilindungi dan hendaklah di dalam bentuk dan jenis yang ditetapkan oleh Syarikat. Sekiranya berlaku kemalangan, Peserta melalui Guru Besar atau Pengetua Sekolah hendaklah mengatur orang yang dilindungi untuk pemeriksaan perubatan bagi pihak Syarikat di atas perbelanjaan orang-orang yang dilindungi ke atas sebarang kecederaan tubuh badan, jika diperlukan.

5. KECEDERAAN TUBUH BADAN

Dalam kes kecederaan tubuh badan yang dilindungi di bawah sijil ini:

- a. Orang yang dilindungi hendaklah berusaha dan bertindak mengikut nasihat pakar perubatan bertauliah secepat mungkin;
- b. Notis bertulis hendaklah dihantar kepada Syarikat oleh Guru Besar atau Pengetua sekolah secepat mungkin tidak melebihi tempoh tiga puluh (30) hari daripada tarikh kemalangan yang mengakibatkan kecederaan.

6. SYARAT KELENYAPAN

Tertakluk kepada syarat-syarat, had-had, peraturan-peraturan dan kekecualian pada sijil ini kecuali yang khusus diperuntukkan di dalamnya, jika pelajar yang dilindungi didapati lenyap semasa Takaful ini berkuatkuasa dan tubuh badannya tidak dijumpai dalam tempoh satu tahun selepas kelenyapan tersebut, dan bukti yang mencukupi dikemukakan dimana Syarikat berpuashati dan kesimpulan dibuat bahawa beliau mendapat kemalangan kecederaan tubuh badan dan kecederaan tersebut menyebabkan kematian, Syarikat akan terus membayar manfaat kematian di bawah Takaful ini dengan syarat orang yang menerima bayaran tersebut hendaklah menandatangani dan bersetuju untuk memulangkan bayaran tersebut kepada Syarikat sekiranya pelajar berkenaan seterusnya dijumpai masih hidup.

2. Kematian atau keilangan atau kehilangan akibat melibatkan diri dalam sukan merbahaya seperti memburu, luncur (ski) air, penerjunan 'bungee', polo, payung terjun, penerjunan paragliding, perlumbaan bermotor, tinju, gusti dan aktiviti sukan air yang menggunakan alat pernafasan kecuali aktiviti-aktiviti yang dianjurkan oleh pihak Kementerian Pelajaran Malaysia.
3. Kematian atau keilangan yang secara langsung atau tidak langsung atau timbul atau disebabkan dari:
 - a. Sinaran mengion, pancaran atau jangkitan oleh radioaktif daripada mana-mana bahan buangan nuklear. Bagi maksud kekecualian ini pembakaran hendaklah termasuk apa-apa penahanan sendiri proses pembelahan nuklear.
 - b. Bahan senjata nuklear.

Kekecualian di atas tidak berkait dengan manfaat (D) kecuali 1a, 1b, 1d, 1h dan 3a & b.

PERLINDUNGAN

KECEDERAAN TUBUH BADAN yang disebabkan oleh kemalangan luaran yang hebat dan tidak sengaja dengan cara yang boleh dilihat iaitu bebas daripada lain-lain sebab yang menyebabkan:

1. **KEMATIAN** berlaku dalam tempoh 12 bulan bersabit kecederaan tubuh badan akibat daripada kemalangan.
2. **LUMPUH BERKEKALAN SELURUH BADAN**
Akibat kemalangan.
3. **TERPISAH ATAU PUTUS ANGGOTA DARI BADAN ATAU KEHILANGAN PENGLIHATAN** akibat kemalangan seperti berikut:
 - a. Kedua-dua belah tangan di atas pergelangan atau
 - b. Kedua-dua belah kaki di atas buku lali atau
 - c. Kehilangan kekal penglihatan yang berkekalan kedua-dua belah mata, akibat kemalangan.

*Jika kehilangan hanya satu daripada man-mana anggota badan dalam (a), (b) & (c) di atas, maka amaun manfaatnya adalah sebanyak 50% daripada RM 15,000.00
4. **KHAIRAT KEMATIAN** - mati akibat sakit biasa.
5. **ELAUN WANG TUNAI HOSPITAL** bagi setiap hari dan selama tempoh dimasukkan ke Hospital Kerajaan/ Swasta disebabkan oleh kemalangan sehingga maksima 60 hari berturut-turut mulai daripada tarikh masuk wad.

7. PEMBAHARUAN SECARA OTOMATIK

Sijil ini akan diperbaharui secara automatik apabila sampai tempoh tamatnya dan sumbangan akan ditetapkan, melainkan diarahkan sebaliknya.

8. PEMBATALAN SIJIL PERLINDUNGAN

Syarikat boleh membatalkan sijil ini dengan menghantar notis (7) hari secara surat berdaftar kepada Peserta di alamat yang didaftarkan. Begitu juga Sijil ini boleh dibatalkan pada bila-bila masa oleh Peserta dengan memberi notis (7) hari.

9. TANGGUNGAN SYARIKAT

Syarikat tidak bertanggungjawab bagi apa-apa tuntutan yang berlaku sekiranya Sumbangan Takaful tidak dibayar oleh mana-mana pelajar yang dilindungi.

10. TIMBANGTARA

Semua perbezaan yang timbul daripada Sijil ini hendaklah dirujuk kepada keputusan seorang Penimbangtara yang dilantik secara bertulis oleh pihak-pihak yang berbeza pendapat atau jika mereka tidak bersetuju terhadap Penimbangtara tunggal, maka kepada keputusan dua orang Penimbangtara seorang dilantik secara bertulis oleh setiap pihak dalam masa sebulan kalendar selepas diperlukan secara bertulis untuk berbuat demikian oleh mana-mana pihak atau sekiranya Penimbangtara-Penimbangtara itu tidak bersetuju, seorang Pengadil akan dilantik secara bertulis oleh Penimbangtara-Penimbangtara sebelum meneliti rujukan kes berkenaan. Pengadil hendaklah bersidang dengan Penimbangtara-Penimbangtara dan mempengerusikan mesyuarat itu dan keputusan yang dibuat hendaklah merupakan syarat terdahulu kepada hak untuk membawa tindakan terhadap syarikat.

11. PEMBAHAGIAN LEBIHAN (KEUNTUNGAN)

Sekiranya pada akhir Tempoh Takaful sebagaimana yang dinyatakan dalam Jadual, skim ini memperoleh lebihan, maka lebihan ini akan dibahagikan di antara Peserta dan Syarikat berdasarkan kepada prinsip al-Mudharabah seperti yang diperuntukkan dalam Borang Cadangan dan Akuan mengikut nisbah 40% kepada Peserta dan 60% kepada Syarikat daripada baki Sumbangan Takaful yang dibayar selepas ditolak amaun tuntutan oleh Peserta termasuk amaun tuntutan yang belum dibayar.

JADUAL MANFAAT

SKOP PERLINDUNGAN	AMAUN MANFAAT (RM)
A. KEMATIAN akibat kemalangan	5,000.00
B. LUMPUH berkekalan seluruh badan akibat kemalangan	15,000.00
C. TERPISAH ATAU PUTUS ANGGOTA DARI BADAN ATAU KEHILANGAN PENGLIHATAN akibat kemalangan seperti berikut:	
a. Kedua-dua belah tangan di atas pergelangan, atau]	
b. Kedua-dua belah kaki di atas buku lali, atau]	15,000.00
c. Kehilangan kekal penglihatan kedua-dua beiah mata]	
* Jika kehilangan hanya satu daripada mana-mana anggota badan atau penglihatan dalam C(a), (b) & (c) di atas, maka amaun manfaatnya adalah sebanyak 50% daripada RM 15,000.00	7,500.00
D. KHAIRAT KEMATIAN - mati akibat sakit biasa	1,000.00
E. ELAUN TUNAI HOSPITAL bagi setiap hari selam tempoh dimasukkan ke Hospital Kerajaan/Swasta disebabkan oleh kemalangan dan tidak melebihi 60 hari berturut-turut dari tarikh masuk wad.	25.00 sehari

PERUNTUKAN

1. Jumlah semua manfaat yang akan dibayar bersabit dengan kemalangan ke atas orang-orang yang dilindungi tidak akan melebihi amaun maksima manfaat A dan B atau manfaat D. Sekiranya amaun manfaat maksima telah dibayar kepada seseorang yang dilindungi maka semua perlindungan ke atasnya adalah dimasukkan dan tidak berhak lagi mendapat manfaat seterusnya.
2. Apabila orang-orang yang dilindungi didapati menaiki satu-satu pengangkutan secara bersama-sama, sekiranya berlaku kemalangan maka tanggungjawab Syarikat ke atas orang-orang tersebut adalah tidak melebihi RM 3,000,000.00. Syarikat akan membayar manfaat ke atas orang-orang tersebut secara purata.
3. Tertakluk kepada syarat-syarat, had-had, peraturan-peraturan dan kekecualian dalam sijil ini kecuali yang khas dinyatakan di dalamnya, jika orang yang dilindungi didapati hilang di dalam tempoh Takaful dan jasadnya tidak dijumpai dalam tempoh satu tahun daripada tarikh kehilangan, maka Syarikat akan membayar manfaat kematian di bawah Takaful ini.

1. Tatacara Tuntutan Pampasan

- 1.1 Notis Pemberitahuan Kemalangan/Tuntutan mestilah dibuat dalam tempoh 30 hari dari tarikh kemalangan.
- 1.2 Murid atau waris boleh mengemukakan tuntutan terus ke cawangan Takaful yang berdekatan melalui sekolah dengan menggunakan **Borang Tuntutan TPSM** yang dikeluarkan oleh Takaful Malaysia.
- 1.3 Borang Tuntutan hendaklah diisikan oleh sekolah berkenaan dengan mendapat pengesahan dan perakuan daripada Pengetua, Guru Besar atau Guru Penolong Kanan Hal Ehwal Murid (HEM) sekolah.
- 1.4 Guru Besar/Pengetua hendaklah memastikan bahawa :
 - a) Murid yang menuntut adalah murid yang sah dan berdaftar di sekolah berkenaan.
 - b) Tuntutan yang dibuat benar-benar berada di bawah skop perlindungan yang dinyatakan.
- 1.5 Borang Tuntutan hendaklah diisi dengan betul dan tepat.
- 1.6 Semua borang mesti ditandatangani oleh Guru Besar, Pengetua atau Guru Penolong Kanan Hal Ehwal Murid (HEM).
- 1.7 Bayaran manfaat tuntutan akan dikeluarkan dengan cek atas penama seperti dalam **LAMPIRAN A**.
- 1.8 Sekolah hendaklah menyerahkan cek tersebut kepada penama berkenaan dengan segera setelah menerimanya daripada pihak Takaful Malaysia.

2. Dokumen Tuntutan Pampasan

Untuk memudahkan proses tuntutan, dokumen-dokumen berikut hendaklah dikemukakan

Jenis Tuntutan		Dokumen Berkaitan
A	Tuntutan Kematian Akibat Kemalangan	i. Lampiran A. ii. Borang Tuntutan STPM (Diisi lengkap). iii. Laporan Polis. iv. Salinan Sijil Kematian/Permit Menguburkan (Perlu disahkan oleh pihak sekolah).
B	Khairat Kematian	i. Lampiran A. ii. Borang Tuntutan STPM (Diisi lengkap). iii. Salinan Sijil Kematian/Permit Menguburkan (Perlu disahkan oleh pihak sekolah).
C	Tuntutan Lumpuh Berkekalan/Terpisah atau Hilang Anggota	i. Lampiran A. ii. Borang Tuntutan STPM (Diisi lengkap) . Bersama-sama dokumen sokongan termasuk gambar sebelum dan selepas kemalangan dan Laporan Perubatan/Pakar (kos laporan ditanggung oleh waris). iii. Laporan Polis.
D	Tuntutan Elaun Tunai Hospital	i. Lampiran A. ii. Borang Tuntutan STPM (Diisi lengkap). iii. Pengesahan Rawatan/Ward Chit/Discharge Note.

3. Panduan Panduan Mengisi Borang Dan Mengemukakan Tuntutan TPSM

1. Sebelum mengemukakan tuntutan, Guru Besar/Pengetua Sekolah hendaklah memastikan perkara-perkara berikut :-
 - a. Bahawa pelajar yang menuntut adalah pelajar yang sah berdaftar di sekolah berkenaan.
 - b. Bahawa tuntutan yang hendak dibuat adalah berhak memperoleh manfaat di bawah TPSM
2. Semua Borang Tuntutan hendaklah diisi dengan betul oleh sekolah berkenaan dengan ditandatangani oleh Guru Besar/Pengetua sekolah terbabit.
3. Semua ruang di Borang Tuntutan hendaklah diisi dengan panduan berikut :

RUANG I : BUTIR-BUTIR PELAJAR

Ruang ini adalah untuk menyatakan maklumat pelajar yang membuat tuntutan dan butir-butir sekolah. Perlu diisi bagi semua jenis tuntutan

RUANG II : BUTIR-BUTIR KEMALANGAN/KEMATIAN

Ruang ini adalah untuk menyatakan kejadian kemalangan/kematian pelajar. Bagi tuntutan kematian biasa untuk manfaat D (Khairat Kematian), hanya ruang A perlu dipenuhi. Tuntutan lain-lain manfaat, ruang A, B dan C perlu dipenuhi.

RUANG III : JENIS TUNTUTAN YANG DIKEMUKAKAN

Sebelum ruang ini dipenuhi, Guru Besar/Pengetua Sekolah perlu terlebih dahulu mengenal pasti jenis tuntutan manfaat yang hendak dikemukakan:

RUANG A : Bagi tuntutan manfaat A dan/atau D

RUANG B : Bagi tuntutan manfaat B atau C. Jika tuntutan adalah untuk manfaat C, sila tandakan jenis hilang upaya yang menimpa pelajar.

Bagi tuntutan ini (menuntut B atau C), pengesahan doktor adalah dikehendaki untuk pengesahan hilang upaya. Sila dapatkan pengesahan berkenaan daripada doktor yang akan memenuhi ruang berkaitan.

RUANG C : Adalah untuk tuntutan manfaat E.

4. Semua tuntutan hendaklah disokong dengan dokumen berkaitan sepertimana yang dinyatakan dalam ruang I-II (A,B dan C).
5. Pengesahan dan perakuan tuntutan hendaklah dibuat oleh Guru Besar/Pengetua Sekolah di ruang IV.
6. Borang Tuntutan yang telah dipenuhi disertai dokumen-dokumen sokongan yang diperlukan boleh dikemukakan kepada mana-mana pejabat Cawangan Takaful Malaysia atau dihantar terus kepada :

URUSETIA TUNTUTAN TPSM

Syarikat Takaful Malaysia Berhad,
26th Floor Annex Block, Dataran Kewangan Darul Takaful,
No. 4 Jalan Sultan Sulaiman, 50000 Kuala Lumpur, Malaysia
Tel: 603-27111984603, Tol Free : 1 800 387180,
Fax: 603-22741464
Email : csu@takaful-malaysia.com.my



SYARIKAT TAKAFUL MALAYSIA BERHAD (131846-K)
 Tingkat 2, Blok Annex, Menara Tun Razak, Jalan Raja Laut,
 Pejabat Surai 11483, 50746 Kuala Lumpur, Malaysia.
 Tel : 03-2693 3211 • Fax : 03-2693 7076, 2691 3930
 Talian Bebas Tol : 1-800-38-7180 • http : /www.takaful-malaysia.com
 E-mel: info@takaful-malaysia.com.my



SIKRIA
 SISTEM MANAJEMEN KUALITI
 ISO 9001:2008

TARIKH PLA	
KOD PEJABAT YANG MENERIMA LAPORAN INI	
NO. SIRI	156604

**BORANG TUNTUTAN
 SKIM TAKAFUL PELAJAR SEKOLAH MALAYSIA**

PERINGATAN

- BORANG INI PERLU DIISI OLEH PIHAK SEKOLAH MALAYSIA SAHAJA.
- PIHAK SEKOLAH DIWAJIBKAN MEMBERI MAKLUMAT-MAKLUMAT DENGAN BETUL DAN SEPENUHNYA.
- SYARIKAT BERHAK TIDAK MELAYANI TUNTUTAN INI JIKA BORANG INI TIDAK DIISI DENGAN LENGKAP DAN SEMPURNA.
- PENERIMAAN BORANG INI BUKANLAH BERERTI DENGAN SENDIRINYA TANGGUNGAN DIAKUI OLEH SYARIKAT.

I. BUTIR-BUTIR PELAJAR		
Nama	No. K/P	
Alamat Kediaman	Tarikh Lahir	
	No. Telefon	
	No. Pendaftaran Pelajar	
Nama Sekolah	Tarikh Masuk Sekolah ini	
Alamat Sekolah	Kod Sekolah	
No. Telefon		
Pernahkah Pelajar ini mengalami apa-apa kecacatan fizikal sebelum berlakunya kemalangan ini?	<input type="checkbox"/> Ya	<input type="checkbox"/> Tidak
Pernahkah Pelajar ini membuat tuntutan bersabit dengan kemalangan diri dari mana-mana Syarikat Takaful atau Insuran sebelum ini?	<input type="checkbox"/> Ya	<input type="checkbox"/> Tidak

CONTOH

II. BUTIR-BUTIR KEMALANGAN / KEMATIAN (UNTUK KEMATIAN BIASA SILA PENUHKAN RUANG A SAHAJA)

A		
Tarikh Kemalangan / Kematian	Tempat Kemalangan / Kematian	Waktu Kemalangan / Kematian Pagi / Petang / Malam
B		
Balai Polis di mana laporan dibuat	Tarikh Laporan	
No. Laporan	Waktu Laporan Pagi / Petang / Malam	Laporan dibuat Oleh

Sila ceritakan dengan sepenuhnya bagaimana kematangan tersebut berlaku.
 (Ruang ini hendaklah dipenuhi)

III. JENIS TUNTUTAN YANG DIKEMUKAKAN (SILA TANDAKAN DI RUANG BERKENAAN DAN PENUHKAN RUANG TERSEBUT)

A TUNTUTAN KEMATIAN AKIBAT KEMALANGAN

D TUNTUTAN KHAIIRAT KEMATIAN
(Kematian akibat sakit biasa)

BERSAMA INI DILAMPIRKAN DOKUMEN-DOKUMEN BERIKUT:

LAPORAN POLIS (Kematian akibat kemalangan sahaja)

SALINAN PERMIT MENGUBURKAN

SALINAN SIJIL KEMATIAN

B LUMPUH BERKEKALAN SELURUH BADAN AKIBAT KEMALANGAN

C TERPISAH ATAU PUTUS ANGGOTA DARI BADAN ATAU KEHILANGAN PENGLIHATAN AKIBAT KEMALANGAN SEPERTI BERIKUT:

SATU ATAU KEDUA-DUA BELAH TANGAN DI ATAS PERGELANGAN.

SATU ATAU KEDUA-DUA BELAH KAKI DI ATAS BUKU LALI.

KEHILANGAN KEKAL PENGLIHATAN SEBELAH ATAU KEDUA-DUA BELAH MATA.

BERSAMA INI DISERTAKAN DOKUMEN BERIKUT:

LAPORAN POLIS

LAPORAN PAKAR PERUBATAN

PENGESAHAN DOKTOR YANG MERAWAT

Adalah dengan ini disahkan pelajar ini telah mengalami kehilangan keupayaan kekal iaitu lumpuh berkekalan seluruh badan / terpisah atau putus anggota dari badan atau kehilangan penglihatan. (Sila nyatakan salah satu seperti di ruang B atau C)

Tarikh

Nama Doktor
Cop Hospital / Klinik

CONTOH

E TUNTUTAN ELAUN TUNAI HOSPITAL DI HOSPITAL / KLINIK KERAJAAN / SWASTA AKIBAT KEMALANGAN.

NAMA HOSPITAL / KLINIK _____

TEMPOH DIWADKAN DARI _____ HINGGA _____

BERSAMA INI DISERTAKAN DOKUMEN-DOKUMEN BERIKUT :

LAPORAN POLIS - JIKA BERLAKU DILUAR KAWASAN SEKOLAH

WARD-CHIT / AKUAN KEMASUKAN HOSPITAL / DISCHARGE TICKET / NOTE.

LAPORAN SEKOLAH - JIKA BERLAKU DI KAWASAN SEKOLAH

IV. PENGESAHAN DAN PERAKUAN

Bahawasanya saya _____ sebagai Guru Besar / Pengetua

atau Penolong Kanan (HEM) Sekolah _____ dengan ini mengesahkan bahawa pelajar berkenaan adalah pelajar sekolah ini dan layak menyertai serta mendapatkan manfaat dari Skim Takaful Petajar Sekolah Malaysia dan sepanjang pengetahuan saya punca kematian / kecederaan beliau adalah seperti mana yang dinyatakan pada borang ini dan saya mengaku bahawa semua pernyataan di dalam borang ini adalah bonar dan betul seperti yang diketahui saya.

Tarikh

Tandatangan :

Jawatan :

Cop Sekolah :

Nama & Alamat Sekolah

.....
.....
.....

Kod Sekolah :

No. Telefon :

No. Fax , :

Rujukan:

Tarikh :

Pengurus Besar,
Syarikat Takaful Malaysia Berhad,
Tingkat 26, Blok Annex,
Dataran Kewangan Darul Takaful
No. 4, Jalan Sultan Sulaiman
50000 Kuala Lumpur.

Tuan,

TUNTUTAN SKIM TPSM

Nama Pelajar :

Tahun / Tingkatan :

Kemalangan / Kematian pada :

2. Adalah saya dengan hormatnya memohon pembayaran manfaat tuntutan pelajar di atas dibuat atas nama _____

(Disertakan bersama salinan Kad Pengenalan / Salinan Surat Beranak) dan saya dengan ini mengesahkan penama tersebut adalah orang yang berhak kepada bayaran manfaat tersebut.

Sekian, terima kasih.

Yang benar,

.....
Tandatangan Pengetua / Guru Besar

Nama

Cop Rasmi Sekolah